



Broj: 14-14-16374-4-9/15  
Datum: 27.10.2015. godine

Služba za zajedničke poslove Zeničko-dobojskog kantona, na osnovu člana 70. Zakona o javnim nabavkama Bosne i Hercegovine («Službeni glasnik BiH», broj: 39/14) i preporuke Komisije za nabavku sistema za evidenciju radnog vremena uposlenika za potrebe Zeničko-dobojskog kantona iz Zapisnika broj: 14-14-16374-4-8/15 od 22.10.2015. godine, donosi

### **ODLUKU** **o izboru najpovoljnijeg ponuđača**

1. Prihvata se preporuka Komisije za javnu nabavku koja čini sastavni dio Zapisnika broj: 14-14-16374-4-8/15 od 22.10.2015. godine i Ugovor o nabavci sistema za evidenciju radnog vremena uposlenika za potrebe Zeničko-dobojskog kantona dodjeljuje se ponuđaču: **“Middle Point Electronics” d.o.o. Sarajevo, Džemala Bijedića 35, Sarajevo**, ponuda broj: MP-28/15 od 22.10.2015. godine, za ponuđenu cijenu od 6.977,00 KM bez PDV-a, kao najbolje ocijenjenom ponuđaču.
2. Obavezuje se ponuđač “Middle Point Electronics” d.o.o. Sarajevo da u roku od 5 dana od dana prijema ove Odluke dostavi na adresu ugovornog organa dokaze o kvalificiranosti, u pogledu lične sposobnosti, koji su traženi tačkom 2.1. Tenderske dokumentacije u postupku javne nabavke sistema za evidenciju radnog vremena uposlenika za potrebe Zeničko-dobojskog kantona. Dostavljeni dokazi moraju biti čvrsto uvezani na način definisan u tački 4.2. tenderske dokumentacije.
3. Po pravosnažnosti ove Odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezano za predmetnu nabavku shodno uslovima ugovornog organa navedenim u tenderskoj dokumentaciji.
4. Ova odluka će se dostaviti svim ponuđačima koji su učestovali u postupku javne nabavke, a shodno članu 71. stav (2) Zakona o javnim nabavkama.

### **O b r a z l o ž e n j e**

Postupak javne nabavke sistema za evidenciju radnog vremena uposlenika za potrebe Zeničko-dobojskog kantona pokrenut je donošenjem Odluke o pokretanju postupka broj: 14-14-16374-4/15 od 14.09.2015. godine.

Javna nabavka je provedena putem konkurentskog zahtjeva za dostavu ponuda.

Obavijest o nabavi poslata je na objavu dana 07.10.2015. godine, a ista je objavljena na portalu Agencije za javne nabavke dana 07.10.2015. godine, pod brojem: 771-7-1-3-3-2/15.

Ponude su dostavili ponuđači:

1. “Unilab Security” d.o.o. Sarajevo sa ponuđenom cijenom od 12.003,30 KM (bez PDV-a).
2. “Middle Point Electronics” d.o.o. Sarajevo sa ponuđenom cijenom od 6.977,00 KM (bez PDV-a).
3. “King” d.o.o. Doboj sa ponuđenom cijenom od 7.596,00 KM (bez PDV-a).

Nakon provedenog postupka provjere kvalifikacije ponuđača, a prema uslovima navedenim u tenderskoj dokumentaciji, utvrđeno je da ponude svih ponuđača, po svom obliku, sadržaju i potpunosti, ispunjavaju minimum zahtijevanih kvalifikacionih uslova koji su traženi predmetnom tenderskom dokumentacijom.

Poređenjem ponuda, a primjenom kriterija »najniže cijene«, Komisija je izvršila rangiranje ponuda, i to:

1. "Middle Point Electronics" d.o.o. Sarajevo sa ponudnom cijenom od 6.977,00 KM bez PDV-a.
2. "King" d.o.o. Doboj sa ponudnom cijenom od 7.596,00 KM bez PDV-a.
3. "Unilab Security" d.o.o. Sarajevo sa ponudnom cijenom od 12.003,30 KM bez PDV-a.

Na osnovu tabele konačnog rangiranja i detaljnog uvida u predočenu ponudu ponuđača "Middle Point Electronics" d.o.o. Sarajevo, te posebno nakon izvršenog poređenja visine predmetne ponude sa planiranim sredstvima za realizaciju predmetne nabavke, kao i detaljne analize predmetnog postupka javne nabavke, Komisija je konstatovala da je u predmetnom postupku javne nabavke osigurana stvarna konkurencija ponuđača i da je ponuda ponuđača "Middle Point Electronics" d.o.o. Sarajevo prihvatljiva u pravnom, ekonomskom i tehničkom smislu za ugovorni organ, te dala preporuku za zaključenje ugovora sa ponuđačem "Middle Point Electronics" d.o.o. Sarajevo.

Kako u postupku ocjene provedenog postupka nabavke nisu utvrđeni razlozi, nepravilnosti ili propusti u radu Komisije, a koji bi eventualno bili osnov za neprihvatanje preporuke Komisije, to je cijeneći sve naprijed navedeno odlučeno kao u dispozitivu ove Odluke.

#### **Pouka o pravnom lijeku**

Protiv ove Odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Uredu za razmatranje žalbi, putem ovog ugovornog organa.

#### **Dostavljeno:**

3 x Ponuđači  
1 x Komisija  
1 x a/a



**DIREKTOR**

Željka Marković-Sekulić